

## Mvù Piêr dé toò jògò

### *Bèh bieê*

<sup>1</sup> Né mè Piêr, mbòn̄ tebê Yeésò \*Kristò. Mè nyagá njií né mé bí bò nùàr Càn̄ mé ñellé yila gi aá te tàbè Pón̄e, tàbè Galatî, tàbè Kapadôs, tàbè Asià mé tàbè Bitinî. Bí bòó mé né ké sâ cicie faá kìn nò cer gò dɔ́ɔ̄n̄, mè nyagá njií né mé bí.

<sup>2</sup> Tele beèh Càn̄ lo naá gi bí ter ké toò jògò balé kwaá; lo naâ mé kàgà-ndòn seèn ndo. Bí kènê baá gi bò nùàr seèn, né mé terreɓ Cúcuí Ñagâ; Càn̄ ye te bí ñgweé sòn Yeésò Kristò, à \*sené bí mé húóm seèn. Kùsèm dolê seèn a, yám siè bí beè!

### *Ndèm mé né ñgulí*

<sup>3</sup> Kùsèm Càn̄ Tele Fehtoò beèh Yeésò Kristò.

À lo béh kòò naâ meì bò jerè: à komo sòm Yeésò Kristò lè cio, ye te béh yòn̄ dé feê kwa mé bú, bèh ndèm beèh kènê dɔ́ɔ̄n̄ né gi sâ.

<sup>4</sup> Ñgulù Càn̄ né cu béh kela. Ye nyí kwaá né mé bò nùàr nyí. Ñgulù bú sâ dé seèn vù kòmò ndé cú, jéré teèn siè kòmò ndé ñgwéh, à nòmò kwéh sér kòmò ndé cú ndo. Càn̄ bú dé seèn leér kwaá né ké te vulúu kwarè seèn, ye né dé biì.

<sup>5</sup> Bí bòó mé né gi temé cén yoòr Yeésò Kristò kwaá njií dɔ́ɔ̄n̄, Càn̄ terreɓ né bí beè kurú kwaá, te loù mé wón̄ ndeè gi, Yeésò Kristò yili sòm béh, bò nùàr ñene mé njolo boòn̄.

<sup>6</sup> Ngweéh sâ bí sàmè bílí cégé kóó mà! Mò gèr feh hihiné ye nyí nde né mene bí teèn ceéh weh, bí dèn samésé.

<sup>7</sup> Dé sâ, ye te bó ñene kó teèn, ye temé cén bìi né yieé. Ngweéh né mene goó ñèh wàn, bò nùàr bú faá ñèh gècèn nò ñene kó yeé mé tuar yilá yuo kelâ wa? Sé tagá ndèm bìi mé né goó te mbeí yuú huóm yóó wa? Sâ, mò bí né mene gèr teèn ñené dón, né te bó ñene kó mé ñéh ye bí né bò gècèn bò; te lòu mé Yeésò Kristò ndeè cuù, Càn seén nyegé ye bí, bí den gi bò nùàr beè seèn.

<sup>8</sup> Ngweéh bí né Yeésò gwaán mà. Bí lo mene bú njolò ñéné ñgwéh, mé ñéh mene, temé cén bìi dón né gi yoòr seèn, bí né teèn samé sóó. Gèh sèsàm bú sâ dé tueê sam.

<sup>9</sup> Lòu sam, bí yili yuo aá kèn. Né mé temé cén mé bí né yoòr seèn kwaá njií doô.

<sup>10</sup> Sâ lo baá dàb mé bò \*sòn-Càn bò né ceér mé né nùàr yili sòm hên kweé fón, bó né bò nùàr njií sâ se nyegé, ye bó a: Càn lo naá gi ké toò jògò ter nyegé kwaá, ye nyí ndeè nde né bí dé lòu yili sòm ma.

<sup>11</sup> Bó mé feh bòn lé naá loôm mé terreè mene lege, ye te bó ñene kwaá gi nàm mé kèkènè sâ njolò. Lòu sam, Cúcuí Nagâ mé né lè bòn doô, lé naá gi bó toò tueé kwaá, ye bó a: Kristò ndeè jògò ñene logó nde né gèr, te jomo sâ be terreè seèn ñené ñaá ye mé ñéh ter ma.

<sup>12</sup> Bó né mene lege, ye te bó ñene kwaá gi nàm bú sâ njolò, mé ñéh mene Càn lo ye bó a, bó ndeè nàm sâ njolò kóó ñéné ndé ñgwéh, wa bí bò hên bò ndeè nàm bú sâ njolò ñene seér nde né kóó ma. Kènê, bí baá gi mé ñéh tieè: Cúcuí Nagâ lé

naâ ké te vulúu beè Càᅇ suagâ; bòó mé né Njàgà Bagaà se lé naâ terreᅇ kwa, bó se kwaá bí ngòr sâ tieè. Sâ ᅇgweéh lo né mene bò cìlì Càᅇ, bó lo naâ gwaán ye te bó ᅇne kwa teèn mà.

### *Dene nùà Càᅇ*

<sup>13</sup> Mᅇ né mân, bí téné lòm cúcuí mé seé Càᅇ. Bí dèn dene kòr, bí kwá njí gí ndèm ye lou mé Yeésò Kristò ndeè né cuû, wa bí nde né mé fùgò beè seèn kuú ma.

<sup>14</sup> Bí ᅇgwé sér á sòn Càᅇ, bí té njèh mé feh bìi faá léi toò nᅇ bó cùr cú. Dé sâ lé naâ sâ bí née Càᅇ kó ᅇgwéeh ye.

<sup>15</sup> Bí bòó mé Càᅇ lé naá gii balé sᅇm doᅇᅇ, bí dèn lòm jolosé faá Càᅇ nùà njèh nᅇ.

<sup>16</sup> Te mvù Càᅇ bó toò nyagá taré né cí ndᅇ, ye: Bí dèn lòm jolosé. Lòu sam, mè né Nùà joloò.»

<sup>17</sup> Mᅇ bí nde aá Càᅇ dua, ᅇgweéh bí né yeé bú Tele bìi yilá mà. Né bòn. Jéjég juù felè nùàr doᅇᅇ tena yeé bú, à ju nùà kàn tena né mé seé seèn ndᅇ. Mᅇ né ménâ, sâ bí vèh lòm bú mé temé cén. Cu mé bí née ká lè wᅇᅇ hèn, bí dùlà bú dulà.

<sup>18</sup> Bí né gi kᅇó, ye bí lo naá gii te cùr tòu bò jᅇgò bò teèn. Yeésò Kristò lé bí teèn ᅇge weéh naâ kᅇó, à lé bí teèn huar sᅇᅇm naâ mé keh taré; bí né gi gèh keh sâ kᅇó, lo dèn ná ᅇgwèh mé njèh wàn faá kàgàlᅇᅇ bó goó nᅇ, ndᅇg lo cí ná ᅇgwèh.

<sup>19</sup> Lo naá seêr mé jéjég húᅇm Kristò nùà njèh. À dé seèn né faá \*mbieè sèᅇm mé beré déi yoòr sòrò nyi ᅇgwéh, veèn déi yoòr sam ndᅇ.

<sup>20</sup> Càᅇ lo Kristò balé kwaá naâ sâ wᅇᅇ née teèn sam ye. Te nde nde, yeé baá ká jomo mé cu nde

aá gií hên, Càn nde ye bú bèsonè felè bìi ñené som keéh, ye te à yili som bí.

<sup>21</sup> Bí temé cén yoòr Càn kwaá njií né mé bú, ye: Càn lé naâ bú te cio komo som, ye Kristò né nùàr mé yilí. Te temé cén bô ndèm bìi doón nde ye kènê yoòr Càn jógó le.

<sup>22</sup> Bí \*senésé mân yuo gi né mé ceér gècên ñgweê, ye te bí gwaán ñagá bò mbaábi mé temé cén. Sâ bí bógó lòm ká-re lètenè bìi mé temé cén ménâ.

<sup>23</sup> Bí kóo ye, bó bí ñar seér cu aá dé feê. Tele bìi né tètàgà, gèh seèn kú bèh. Gèh sâ né ñgòr seèn, né ñgòr ñgulí mé dé seèn yieé den né cu doón.

<sup>24</sup> Né gi te mvù Càn nyagá den, ye: Nùàr doón né faá nyure nɔ.

Dene nyàgàm boòn né faá mvue nyurè sâ ndɔ. Mɔ nyure baá ñemá, mvue né yeé nyoló yuo.

<sup>25</sup> Ter cu doón le lom yeé ñgòr Nùà Dueè.» Njàgà Bagaà mé bí né ñgweé hên né cí.

## 2

### *Taá dàn*

<sup>1</sup> Sâ kènê né mene gèh veèn dé heè doón, bí sòm gi bá be teèn: bí té nyeén túé cú, bí té leba nágá cú, bí té huer kú, bí té nùàr júé ndɔ.

<sup>2</sup> Bí dèn sér á faá bò huaán mbembogò nɔ, bó sòn mé mbán ñaâm dù bèh. Njèh cén, mbán dé bìi né ñgòr Càn, bí té sòn mé njéh dù nyì, te bí kula seér mé njéh, bí yili yuo.

<sup>3</sup> Né te mvù Cànje nyagá den ye: Bí lé naá giì húóm-temé Nùà Dueè ñené ñgweé!»

<sup>4</sup> Mò né ménâ, bí ndé bílí dèn gi ká kwarè Nùà Dueè; taá dàn né bú. Bò nùàr lé naâ bú ké jomo komo si njií, sâ beè Càn taá nùà ñjèh né seér bú, Càn lo naá giì bú ter balé kwaá.

<sup>5</sup> Bí bílí ndé gí ká yoòr seèn, te bí ña gi bò taá nùà ñjèh, bí me yila te gwà Càn dé koô, Cúcuí seèn cer beh teèn; te ké gwò sâ bí ña gi bòn bòn \*ñgàn sèmè, bí seé Càn bók lom mé temé cén, te temé ñoré bú lè mé bí felè Yeésò \*Kristò.

<sup>6</sup> Te mvù Cànje né gi mân nyagá den ndo, ye:

Mè taá nùà ñjèh balé som aá kèn,

à né lom mé yilí beè mò kóó.

Kènê mè nde né bú taá dàn te loó Siyôn\* sio kwaá.

Nuaá mé né temé cén yoòr seèn kwaá njií doón lòn pó lè ndé ñgwéh.»

<sup>7</sup> Dé biì, taá bú sâ beè biì baá gi mé yilí. Lòu sam, temé biì doón né gi yoòr seèn. Beè bók mé temé teèn kwá ñí ñgwéh, môn sam. Bó mene ñéné kó ñgwéh, mé ñjéh mene,

Né taá mé bò mé-gwà bò lé naâ ké jomo komo si njií, taá dàn ña seér cu né kóó.»

<sup>8</sup> Né beré déi te mvù Cànje nyagá den ndo ye:

Né taá cén-gulè bò nùàr,

kweéh dièb bòn né cí.»

Bó teèn cenné die kuú gi né mé dúagá-temé bòn. Sâ Càn lo toò baá gi mé kàgà-ndòn sâ lè ndo, ye bó nde né dé bòn faá bèh sâ cenné ma.

---

**2:3 2:3** Ps. 34:8    **2:6 2:6** Es. 28:16    \* **2:6 2:6** Yilí Jerúsalem déi (1 Chr. 11:4-5).    **2:7 2:7** Ps. 118:22    **2:8 2:8** Es. 8:14-15

<sup>9</sup> Dé biì, bú a, té cí dèn; lòu sam, bí dé biì né bò nùàr Càṅ. Bò \*ṅgàṅ sèmè dé Nùà Dueè né bí. Càṅ bí híín nyeén kwaá né ye bí baá bò gèh nùàr nyí. À lo bí balé soóm naâ, ye te bí nde bò nùàr be seé nyí tueé, bí ye bó a, nyí lé bí te cibi ṅa soóm naâ kóó, nyí weh kwaá njíí bí bèh ṅagá ma.

<sup>10</sup> Léí toò bí lé bò gèh nùàr Càṅ ná ṅgwêh, bí bò gèh nùàr seèn ṅa né kènê. Bí lo kó ná ṅgwêh, ye Càṅ né yeé bí jere kóó ndo. Baá ye kènê, bí baá fùgò húóm-temé seèn kuú.

### *Dene nùà seê Càṅ*

<sup>11</sup> Bí kóó ye, ká te wóṅe bí ndeè né kìn, wa bí nde né wàn cer weh ndo. Mò né mân, sâ kúkùr biì bò mbeí mò, njíí mé ṅgàṅ yoòr gwaán né kóó, bí té temé teèn njí. Lòu sam, bò njíí sâ lege ye te bó wula sòm yòṅ biì.

<sup>12</sup> Dene biì ké lètenè bò Càṅ-kó a, dèn lòm dilísé. Mò bí né ménâ den, sâ bó né mene bí jueé, bó nde né seé bagaà biì ṅené, bó keí seér cu bí lòu, te lòu mé Càṅ ndeè cuù teèn, bó seèn bú.

<sup>13</sup> Bí yoòr sâ né mé yilí Nùà Dueè, bí ṅgwé làrè sòn bò kokoò bò dcoṅ. Bí ṅgwé lòm sòn mgbè dé koò faá cí nò, terreb dé koò né beè seèn.

<sup>14</sup> À bò ṅgómna terreb haá yeé kóó, te bó nde ye bò vevenê bò seé weh;

<sup>15</sup> bòó mé né njèh boó huóóm, bó seèn nyegé bó ndo. Bí ṅgwé gí sòn boòn. Sâ dcoṅ, Càṅ ye

te bòò mé né lòù bɔ́ ndugó gɔ, sé yeé baá seé bagaà biì ñené, te sie bó sòn.

<sup>16</sup> Bí fèh kèh mé dene biì ye bò nùàr a, bí baá mé feh biì ma. Njèh cén, mé feh biì bú sâ, né dé bò seé bò Càṅ, dèn ṅgwéh mé feh biì dé veên bɔ́.

<sup>17</sup> Bí léb làrè toò bò nùàr dɔ́ṅ. Bò mbaábi mé né te ceér Yeésò Kristò dɔ́ṅ, bí gwàn jí bó mé temé cén, bí né Càṅ mé feh mene veéh, bí né sòn mgbè dé koò ṅgweé ndo.

### *Gèr \*Kristò*

<sup>18</sup> Bí bò seé bò, ṅgwé jí sòn bò tele seé biì mé gùm mene. Bò déi né mene temé huóóm, bò déi mene temé húóm ṅgwéh dɔ́ṅ, bí ṅgwé nji sòn bɔ́n kèi cén.

<sup>19</sup> Lòù sam, nuaá mé né gèr mé sòn fuù ñené dɔ́ṅ, mo à mé njéh veéh né Càṅ, sâ à bɔ́ né njèh bagaà.

<sup>20</sup> Mo wò sé la gèr hèllè ñene né mé yìè veên yeè nɔ, wò sé la bú yóló ná ṅgwèh wa? Neì sé la wò seén naâ kɔ́ ndo wa? Mo bí gèr ñene seér né mé seé bagaà, bí né mbaá yoló njií, sâ beè Càṅ né njèh bagaà.

<sup>21</sup> À bí yilá njií naâ bèh cí. Lòù sam, Kristò mé feh seén lé naâ mé gèr felè biì kwaré, te bí ñene weh teèn, bí bele ménâ.

<sup>22</sup> Sâ ndóg, à lo bèh veên déi kó ná ṅgwèh ndo; ndóg nyeén déi bú sònò yùò ṅúṅgwéh.

<sup>23</sup> Bó né mene bú mbaá selé weh, mé njéh mene, à lo sòn cú ná ṅgwèh.

À né mene gèr ñené, à lo sòn cú ná ṅgwèh ndo.

À lé doón kwaá lo giì naâ beè Càn,  
ye ju teèn tena yíi nde né bú ma.

<sup>24</sup> À mé feh seèn lé naâ veên beèh yoòr nguú  
kwaá,

bó faga bú sòn beèh.

Sâ doón ye te béh den gi bò komó te veéne,  
ye te béh làn den seér te seé didilí.

Nyer Kristò lé bí taré soóm naâ kóó.

<sup>25</sup> Lòu sam, bí lé naá giì faá bò sòrngaŋ mé né lòu  
sabé go no. Kèné bó bí bilí kwaá baá ká kwarè  
nùà njèh. Gó biì né bú.

### 3

#### *Bò véh bó bò si*

<sup>1</sup> Bí bò véh ndo, bí ngwé jí sòn bò si biì. Kó  
ngweéh bò déi lètenè bòn Càn dùà bèh wa, mo  
bí né sòn bòn ngweé, bó nde né ménâ nené, bó  
kweéh seér temé. Gwaán cu sâ, bí té mene bó  
ngòr Càn lòu túé, bó nde gi né te dene biì nené  
keéh, ye bí né te ceér-e.

<sup>2</sup> Lòu sam, bó nde né nené, ye bí né teèn bóó  
yíi, wa bí né bó véh ma.

<sup>3</sup> Bí té gwàn mé bí foón seér ceér dé yàgà  
huóm; né lom bò njèh dé kèb cieè. Mè jue né  
feh lòu beéh goné kwaâ, yíyâr bègè tieè yíi, bò  
cògò nyàgàm yoòr su kwaá beleè ndo, mè jue né  
cí.

<sup>4</sup> Bí yàgà húóm sér kèb lè, te bú sâ ndeè lè bò  
nùàr jí cú. Mo bí né dolé huóm, bí né noón den,  
bí nde né Càn yoòr mé gècên mene huóm.



<sup>5</sup> Léi toò bò vèh déi lé naâ ménâ boó, bó lé yàgà nyegé seér naâ mé ndèm yoòr Càṅ kwaá njií, bó né sòn bò si boòn ṅweé.

<sup>6</sup> Sâ né njií mé Sará lé boó naâ; à lé Abrahâm yilá naâ Nùà njèh". Lé naâ mé tie ṅweê. ṅweéh bò ṅunà Sarâ kènê baá bí mà. Mò bí né bò njèh teèn boó yíí, veéh bí mé njeré déi siè ṅwéh, sâ bò ṅuna seèn né bí.

<sup>7</sup> Mé bí bò siíb ndò, bí wèh kwá bò veéh bìi faá nùàr nò. Lòu sam, bí bó doón yòṅ tètàgà beè Càṅ kwa nde né kèi cén. Nùà kàn a, kóo ye, dé vèh faá nyí nò táré wá ṅwéh lòu. Mò bí né ménâ boó, sâ njií mé bí né mé Càṅ dua njií, à nde né ṅweé.

### *Bèh bò Yeésò bò soḡ*

<sup>8</sup> Bí dèn lòm mé sòn cèn, bí né mé jere lètenè bìi kóo kuú, bí né lètenè bìi faá bò huaán mé lèi cèn nò gwaán kuú ndò. Dé kàn a, té toò bò mbeí lòu jélá sér; dé kàn a, dólé sér toò bò mbeí lòu ndò.

<sup>9</sup> Mò nuaré déi né bí veèn boó, bí té veèn mé veèn cú. Né mene séb, bí té mé séb cú ndò. Bí dé bìi cu sâ kúlú sér bó lòu. Lòu sam, Càṅ lé bí tétég yilá kuú naâ dé nùàr lòu kulú, te bí kwa keéh dèh teèn ndò.

<sup>10</sup> Né te mvù Càṅe nyagá den, ye:  
Nuaá mé né dene nòrê mé bò cieé nenòrê yoòr  
seèn gwaán doón, bú a, siè leba mé júéb,  
à sie leba mé nyeén ndò.

<sup>11</sup> Bú a, nyénné veèn, à boó seér bagaà.

Bú a, fón kwà cú ceér mé dólê nde né bò nùàr teèn kwa, à kela cí.

<sup>12</sup> Lòu sam, njolo Nùà Dueè né seér yoòr bò didilí bò.

Tie seèn né gi ngòr bòn ngweé ndò.

Dé bò vevenê bò, à njolo yoòr bòn kè njí bèh.»

### *Gèr mé seé bagaà ñenê*

<sup>13</sup> Mò bí né lélán bó-bagaà, sâ nuaré déi nde né bí veèn bóó wa?

<sup>14</sup> Bí né mene gèr ñené, mò né felè seé bagaà, bí té njeré déi nyàmè, bí té nuaré déi vèh, Càn nde né bí kulú.

<sup>15</sup> Bí temé bìi gùm dónj kwá njí lòm mé Yeésò \*Kristò, te Nùà Dueè teèn cer lom bú. Bòó mé né bí njèh bieé dónj, bí dèn lòm làn toò bòn, te bí se bó kwòm mé bí né ndèm mé Yeésò Kristò kwaá njí.

<sup>16</sup> Mò bí baá bó se, bí sè njí bó meman, nenónj ndò. Njèh cén, bí té mé veèn yoòr dèn. Mò bí né ménâ bóó, sâ bó jue kuú mene bí te ceér Yeésò Kristò naàn, nde né bó sònò cí le.

<sup>17</sup> Mò Càn gwaán né ye bí gèr ñené sér mé seé bagaà, mè tueé bí, huòm kela né cí mé gèr felè seé veèn ñenê.

<sup>18</sup> Ngweéh Kristò mé feh seèn lo naâ felè bìi kuú mà! À lé naâ mbei cén dé kèi cèn kuú. Sâ nùà dilí faá bú nò sam ndò; mé njéh mene, à nde cio bò jéré-temé bò kuú seér cu kóó, sâ dónj ye te nyí weh nyógó njí cuú bí ká yoòr Càn. Càn mé ngeér sam, bó yeé wula sòm aá bú te yo húóme, Càn nde bú haá seér yo dé Cúcuí.

19 À lo mé Cúcuí sâ nde bilí naâ ké dòu bèh cibì yoòr bò càᅇ mene, à né bó ᅇᅇr Càᅇ se.

20 Bò sâ bò lo naâ feh mé Càᅇ taré. Lo naâ te nàm Noê. Sâ Càᅇ né sèᅇ kwaá, ye kᅇ Noê fagá gi aá kᅇm. Mᅇ gi aá, à yilí sᅇm lom nùà téndelé, à né bó mé nòmò yilí sᅇm.

21 Nòmò sâ lo naâ cecemé nòmò Càᅇ mé né béh kènê yilí sᅇm hèn. Gèh nòmò Càᅇ bú sâ dé seèn dé ᅇᅇᅇ yoòr kᅇu sam, béh bú bie njií yeé mé Càᅇ, te à nyegé béh temé mé njéh. À né béh temé mé njéh nyegé ndᅇ. Né mé njua Yeésò Kristò. À lé naâ te cio komo yuo,

22 à ᅇᅇá nde ké te vulúu, à den nde te be gaá Càᅇ. Bò cìlì Càᅇ bó bò kokoò bò mé bò terreb bò ké ter ka vulúu dᅇᅇᅇ né gi beè seèn.

## 4

### *Dene feé*

1 Béh lé naá gií ᅇᅇé, ye Yeésò \*Kristò lé naâ gèr mé yo nùàr yoòr ᅇᅇé. Mᅇ né mân, sâ bí yí lòm njágá dòu mé gèr faá bú nᅇ. Lòu sam, nuaá mé né gèr mé ᅇᅇᅇ yoòr ᅇᅇé dᅇᅇᅇ, dé seèn veèn yoòr seèn ᅇᅇwé ndé cú.

2 Mᅇ né mân, sâ duᅇᅇm hèn, nde wa lòu mé cieé bìi gi nde né teèn, bí dèn bá dene mé Càᅇ gwaán nê. Njií mé ᅇᅇᅇ yoòr bìi gwaán né kᅇᅇ, bí té kèrà cú.

3 Veèn bìi kela baá mé dé jomò. Lòu sam, bí lo naâ veèn faá bò Càᅇ-kᅇ nᅇ bᅇᅇ: bí lo naâ feh lᅇᅇ, njií mé ᅇᅇᅇ yoòr gwaán né kᅇᅇ, bí lé naâ bᅇᅇ, bí né \*wᅇᅇ sela; njií mé nùàr sé la bó ná

ngwêh, bí né cí boó seér, bí né lòu sela tugó seér. Cècàṅ né mene beè Càn njèh lòròmû, mé njéh mene bí lo naâ cí dua bilí gií. Wulu baá kèn.

<sup>4</sup> Kènê, bò Càn-kó nde aá mé bí lòu hiím seér. Lòu sam, bó sé yeé bí lètenè boòn te tándabé denè hèllè ḡéné cú, bí ḡa tou sêb beè boòn.

<sup>5</sup> Kwá ḡoṅ, Càn nde aá ju felè bò làn bò mé bò komô tená ndo. Lòu sâ bó nde né toò juù njebá, bó salé kwaá seé boòn cie mé sòn boòn.

<sup>6</sup> Kristò lo ké dòu yoòr bò komô waà naâ dé cí, ye te nyí se bò càn boòn Njàgà Bagaà. Lòu sam, cu mé bò sâ bò lo naâ ká cie, ju lo naâ felè boòn tená, faá né yeé felè bò nùàr ḡoṅ nɔ. Kristò lo mé Njàgà Bagaà ké dòu se ndeè naâ, ye te bó kwa seér cúcuí, bó den faá Càn den nê nɔ.

*Dene bò Yeésò bò lètenè boòn*

<sup>7</sup> Wóṅ nde aá gií, sâ njèh ḡoṅ ceré baá ndo. Bí siè yo, bí dèn bá dene kôr, te bí dua nyegé ye Càn.

<sup>8</sup> Bí gwàn kú dèn lètenè bìi cu ḡoṅ, njèh dueè né cí. Mɔ bí né lètenè bìi mé temé cén gwaán kuú, sâ veên ḡún nde né lètenè bìi nyimé yuo gií.

<sup>9</sup> Cu ḡoṅ hin gwà kìn a, dèn dèn lo bìi lɔṅ; nùàr té déi lòu ndúgó sér.

<sup>10</sup> Bí lètenè bìi né gi mé gèh seé hihinê yoòr. Càn haá né nùà kàn ménâ kóó; bú a, siè mé temé cén, à né bò nùàr mé njéh gam.

<sup>11</sup> Nuaá mé Càn ye seé dé seèn né ḡòr Càn tueê, bú a, sè ḡòr Càn. Mɔ seé nuaré déi né nùàr gaàm, bú a, gaàm lòm mé temé Càn mene

ndo. Bò dé kàn a, bó jí ménâ, te bò nùàr seén gi Càn felè Yeésò Kristò mé gùm mene. Nùà \*sùsùm né bú; terreb seèn né dé ndeèr. È môn!

*Gèr jomo \*Kristò ñenê*

<sup>12</sup> Bò mbeí mò, mo gèr né mene bí yoòr furú, bí té lòu hím sér, faá né ñjèh kèkènè no.

<sup>13</sup> Bí sàmè sér mé ñjèh dé samê, ye bí baá gèr faá Kristò no ñené. Te lòu mé be terreb seèn ndeè ñené ñagá teèn, vógó-temé kibí sie bí beè.

<sup>14</sup> Mo bò nùàr bí selé né ye bí né bò mbòn Kristò fí, bí kóo ye, samésé né bí. Lòu sam, bí bò Cúcuí Càn né kóó, terreb doóné né gi beè seèn.

<sup>15</sup> Càn a bó nuaré déi ñene gèr lètenè bìi mé yìè veèn déi: yìè wúlá-nùàr, yìè yîb, wa né te ju nuaré déi mbaá loó yilâ wa, Càn a bó bí gwaán gèh gèr bú sâ.

<sup>16</sup> Nuaá mé dé seèn gèr ñene seér né mé yilí Kristò, bú a, té mé fegùlì kú gùm doóné, à vrà sér Càn mé ñjèh dé vraà. Lòu sam, à né yilí Kristò.

<sup>17</sup> Kènê baá cu, bó nde aá ju tená. Bó ju tena loó nde né te mbàgà Cànè. Á, mo bó ju tena duóm né mé béh mân, sâ ju dé bòó mé né Njàgà Bagaà Càn ñgeén, den nde né naàn?

<sup>18</sup> Sâ te mvù Cànè né gi nyagá den, ye: Mo bò didilí bò lege né lòu, te bó nde ye yili yuo, sâ bò jéré-temé bò mé bò vevenê bò dé boòn boó nde né naàn wa?»

<sup>19</sup> Mo né mân, sâ bòó mé gèr ñene né mé yilí Càn doóné, bó a, kó lòm mé seé bagaà tetoò boó ndeè.

Bó gùm bɔ̀n dɔ̀ŋ ñéh kwá gí yòr Càn; à ñèh dɔ̀ŋ si gii naâ kɔ́. Ndéb sèn doó diè kélá bèh.

## 5

### *Seé bò Yeésò bò dé kokoô lètenè bò mbeí*

<sup>1</sup> Mè kènê tueé njií nde né mé bò kokoô bò lètenè bìi. Mè toò né taré nùà koô lètenè bò Yeésò bò ménâ ndɔ. Mè lé naá gii bò dà̀m gèr \*Kristò mé njolo ñené. Lou mé be terrèb Càn nde né teèn ñené ñagá, mè gà dé mò teèn lím ndé ñgwéh. Mè né bí dua:

<sup>2</sup> Kúkùr bìi, bòn bò nùàr Càn mé Càn haá kwaá né beè bìi doó, bí kè nyégé lòm bó faá nùà ñèh né bòn mbieè sèn ke nyegé nɔ; bí dèn kór lòm teèn mé temé cén faá Càn né gwaán ndɔ. Càn a bó nuaré déi bɔ́ jèlá seér seé lòu. Bú a, bó lòm seé faá seé né bieé nɔ, dèn ñgwéh seé kàgàlòn.

<sup>3</sup> Bóó mé né beè bìi sâ, bí té gwàn mé bí tuú seér bó lòu. Dene bìi a, húóm sér toò bɔ̀n dé huóm, te bó si weh dene bagaà teèn.

<sup>4</sup> Te lòu mé Tele bò mbieè ndeè cuù teèn, bí kwa gi tà̀m ñgòg dé nyèmà mé nyèmà.

<sup>5</sup> Mè kènê tueé nde né mé bò mbò ndà ndɔ, bí ñgwé tie. Bóó mé nyèmà bɔ̀n né dé bìi yɔ̀gɔ̀ dɔ̀ŋ, bí vèh bó vèh.

Mè kènê tueé njií nde aá mé bò nùàr dɔ̀ŋ, bí dèn yébbé kú lètenè bìi lòu. Né te mvù Cànè nyagá den, ye:

Càn ñèh nomo yeé nùà fù ñgàn,  
à kulu seér nùà dɔ̀lê.»

<sup>6</sup> Sâ, bí dèn yébbé ndé gii ká beè Càn terrèb, te

lòu mé ye nyí nde né bí ter teèn sie sòm, à sie sòm bí mé be seèn.

<sup>7</sup> Bò njií mé né bí seé weh dɔ́ɔ́ɔ́, bí húaré kwá nji beè seèn, à bí ke nyegé né kɔ́.

<sup>8</sup> Bí dèn kór lòu, bí né bèh dɔ́ɔ́ɔ́ ke tená; \*Sátàn nùà bònò né kwarè bìi faá gélôg nɔ ɲgugó ɲuob go, te nyí sie yieé cén déi lètenè bìi.

<sup>9</sup> Bí wèh bú seé, bí njéba lòm te ceér Cànje tég, bí té jilì. ɲgweéh bí né gi kɔ́ ye, bò Yeésò bò mbeí bìi bèh dɔ́ɔ́ɔ́ né gi mé gèr ménâ kwaré mà.

<sup>10</sup> Njua mé gèr hèllè dàb ndé ndé ɲgwéh ndɔ. Mɔ cu sâ kela baá, Càn húóm-temê mé lé naâ bí te dene tètàgà beè seèn mé Kristò yilá kwaá, nde né bí nɔ́ɔ́ɔ́ mé feh seèn vuaá kwaá, à haá bí terreb, te bí njéba nyegé ye tarésé.

<sup>11</sup> Bú a, dèn dèn nùà terrèb dé nyèmà mé nyèmà ménâ ndɔ. È môn!

### *Bèh ceré*

<sup>12</sup> Mè né bí bieé. Mvù maànjé hèn, Silâs nyagá kwaá né mè kɔ́, te mè nde ye bí temá njií. Beè mò, à né nùàr mò, mé né ceér Yeésò Kristò te be sâ bele. Mè mvù hèn nyagá né ye te mè toó nyegé bí, bí kɔ nyegé bagasé ye, mé gècên mene, fùgò Càn mé bí né teèn sâ, né faá bí naá giì ɲgweé nɔ. Bí té teèn yùò nyi.

<sup>13</sup> Bòn bò Càn bò ká Babilôn mé Càn balé kwaá né faá bí nɔ, ye bié kék bí бага. ɲuna mò Mârk ye bié kék bí ndɔ.

<sup>14</sup> Bí bié kú lètenè bìi mé temé nùàr lè. Bí bò ɲgwómé Kristò, dɔlê a, dèn mé bí dɔ́ɔ́ɔ́.

**Mvù Ngòŋ Feê**  
**Mambilla NT (Cameroon-Le Nouveau Testament en**  
**mambila)**

copyright © 2001 Wycliffe Bible Translators, Inc.

Language: Cameroon Mambila

Contributor: Wycliffe Bible Translators, Inc.

All rights reserved.

2025-05-13

---

PDF generated using Haiola and XeLaTeX on 13 May 2025 from source  
files dated 13 May 2025  
f0e8e7ba-c2cf-57f7-9a60-8ff0e792e158